



UNIVERSITÄTS-  
BIBLIOTHEK  
PADERBORN

## **Summæ Theologicæ Scholasticæ Et Moralis**

In Quatuor Partes Distributæ

In qua de Incarnatione Verbi & Mysteriis vitæ Christi, nec non de  
Sacramentis in genere & singulis in specie succinctè & dilucidè tractatur

**Herincx, Wilhelm**

**Antverpiae, 1675**

Qu. III. Quæ sit forma hujus Sacramentis seu Absolutionis.

---

[urn:nbn:de:hbz:466:1-72963](#)

*Quæst. III. Quæ sit forma hujus Sacram. seu Absolutionis.* 381

rum, quæ ex certa intentione adhibentur à Ministro. Sufficere enim videtur, quod dolor hic adhibetur, quantum satis est ad debitè instruendum Tribunal; quod sufficienter instrui appetet, si dolor adsit, & confessio sequatur, exinde omnino futura dolorosa non accusatio. Et consonare videatur sensus fidelium, qui omnino putant se sufficienter dispositos, si ex concione dolorum de peccatis concipient, & inde incipient ulterius cogitare de confessione, ad quam tamen dolor iste non videtur antecedenter suisse relatus, sed consequenter. Nec credunt disputationem suam contineri in subsequenti voluntate confitendi, sed potius in priori expresso dolore.

Accedit, quod juxta plerosque in satisfactione Sacramentali non requiratur hujusmodi expressa intentio, sed sufficiat libera impletio operis injuncti. Et quāvis in ea requireretur, ratio specialis esset, quod satisfactio sit pars Sacramenti habens proprium & h[ab]ilem effectum Sacramentalem, scilicet cœctionem penit. Deinde dolor sic elcidus sufficienter elevatur per ministrum, ut sit pars Sacramenti; ex parte autem penitentis seu suscipientis sufficere videtur intentio interpretativa, sicut in suscipiente ad Sacra menta, & in meribundo, qui absolvitur ob vitam Christianæ transactam, quæ tantum est interpretativa confessio. Censetur autem in tali dolore (qui secus quam narratio quædam peccatorum de se ordinatur ad remissionem peccatorum obtinendam) saltem esse interpretativa quædam relatio ad absolutionem Sacramentalem, quando non excluditur. Quare hæc doctrina videtur sat sündata.

Quod autem ad primum attinet, non videtur sollicitè ambigendum de hac relatione, dum constat de dolore: quia etiis postquam cœpit elici referatur ad Sacramentum, tamen dum referatur, ordinariè adhuc durat aut renovatur, sicutque ipse quæ continuatus aut innovatus satis referatur antecedenter ad Sacramentum: ut taceam in dolore de mortalibus confessis involvi necessario propositum hujus Sacramenti.

Petes II. An contritio debeat præcedere confessionem? Existimat Coninek & pauci aliis deberg præcedere non tantum natura, sed etiam tempore. Resp. tamen sufficere, si comitetur confessionem, immo subsequatur, dummodo ante absolutionem. Ita communiter Doctores. Et colligitur ex praxi Confessoriorum, qui post confessionem penitentes excitant ad dolorem, non autem ad iter ad am sub compendio confessionem (ut vult Coninek) quam Confessarii non cogitant; qui non intendunt, nisi dolorem exprimere; neque etiam cogitant penitentes, qui existimant priorem confessionem esse sacramentalem, & ut talem fecerunt. Consonatque praxis ista Rituali Romano Tit.

*Ordo Ministrandi Sacram. Panis: ubi hæc datur Confessario instructio: Demum audit̄ confessione utique Sacramentali (de qua agitur) ..... ad dolorem & contritionem efficacibus verbis adducere conabit̄, atque ad vitam emendandam ac melius instituendam inducit &c. Deinde confessio satis significat dolorem aut præcessisse, aut nunc existere, aut saltē ante absolutionem futurum esse. Præcedens etiam confessio aut concomitans satis est accusatio dolorosa ab ejusmodi dolore. Non enim debet esse dolorosa per dolorem instantem, utpote qui satis diu antea potest fuisse elicitus, sed per concomitantem, prævium aut subsequentem. Quamquam semper adit in quolibet serio se accusante aliqua saltē displicentia; ne alioquin sit non tam accusatio, quæam historica quædam narratio, quæ non sufficeret, etiam quando dolor tempore præcessisset.*

**Q U A E S T I O N E III.**

*Quæ sit Forma hujus Sacramenti seu Absolutionis?*

**D**E formâ Absolutionis *Rituale Romanum* tit. de *Sacramento Penitentiae* secundum *Forma Sacramenti* præscribit Sacerdoti seu Confessario. *Cum penitentem absolvere voluerit, injuria sua laudabiliter ei prius, & ab eo acceptat̄ salutari penitentiâ, biliter ad primò dicit: Misereatur tui omnipotens jungi solitus Deus; & dimissis peccatis tuis, perducat te ad vitam æternam. Amen. Deinde dextrâ versus penitentem elevata dicit: Indulgentiam absolutionem, & remissionem peccatorum tuorum tribuat tibi omnipotens & misericors Dominus. Amen. Dominus noster Jesus Christus te absolvat: & ego auctoritate ipsius te abservo ab omni vinculo excommunicationis, suspensionis, & interdicti, in quantum possum, & tu indiges. Deinde ego te abervo a peccatis tuis, in nomine Patris, & Filii, & Spiritus sancti. Amen. Si penitens sit laicus, omittitur verbum, suspensionis. Passio Domini nostri Iesu Christi, mentis beatæ Mariæ Virginis, & omnium Sanctorum: quidquid boni feceris, & mali sustinueris, sint tibi in remissionem peccatorum, augmentum gratiæ & præmium vite æternæ. Amen. In Confessionibus autem frequentioribus & brevioribus omitti potest. Misereatur, &c. Satis erit dicere, Dominus noster Iesus Christus, &c. ut supra, usque ad illud, Passio Domini etc. Vidente vero aliquam gravis necessitate in periculo mortis, breviter dicere poterit: Ego te abservo ab omnibus censuris, & peccatis, in nomine Patris, & Filii, & Spiritus sancti. Amen. Hancenus Ritus prefatum. Non est etiam necesse in Confessionibus ordinariis absente apparenti censuræ præmittere absolutionem ab eadem. Ordinarii autem, præsertim in concursu penitentium, uti*

*Brevius forma  
nulla in ne-  
cessitate.*

*solo*

382 Disp. I. De Institutione & Partibus Sacram. Pænitentia.

*Alia in con-*  
*cursu pani-*  
*centium, vel*  
*alias ad li-*  
*betum addi-*  
*bet. 1a.*

23.  
Forma es-  
senzialis  
qua.

24.  
Invenio  
Trinitatis  
non spicit  
ad essen-  
tiam formæ.

Cuius pro-  
prio effectus  
non suspen-  
ditur eou-  
que.

Ly Omni-  
bus non est  
addendum.

25.  
Sufficiens  
ad valorem  
Absolvote.

solec hæc similiæ brevi formulæ : Ego te  
absolvo ab omni censura, si quam incurseris. Reit  
de ego te absolvo à peccatis tuis, in nomine Patris,  
& Filii, & Spiritus sancti. Amen.

Propria porrò ipsius Sacramenti forma  
consistit in his verbis, Ego te absolvo à peccatis  
tuis. De quibus id constat ex sensu & praxi  
universalis Ecclesiæ. In quibus etiam aper-  
tè exprimitur executio potestatis à Christo  
datae Joan. 20. Quorum remiseritis peccata &c.  
Unde Florentinum in Decreto expresse ait, for-  
manam hujus Sacramenti esse, ego te absolvo &c. Si  
militer Tridentinum Ieff. 14. cap. 3. docet,  
formam in illis ministri verbis positanam esse. Ego te  
absolvo &c. Quibus Quidem de Ecclesiæ sanctæ  
more preces quadam laudabiliter adjunguntur: ad  
ipsius tamen formæ essentiam nequam spectant,  
neque ad ipsius Sacramenti administrationem sum  
necessaria, ut inquit Tridentinum. Immo sine  
peccato possunt omitti, & passim pro libi-  
tu omittuntur.

De invocatione quoque 33. Trinitatis  
satis constat apud Doctores unanimiter  
contra Durandum, quod non sit de essentia  
formæ; cum nec Scriptura, nec Concilia  
hoc exprimant (ut sit in forma Baptismi)  
nec sensus Ecclesiæ id doceat, quin immo  
sensus communis sit in oppositum. Nulla-  
tenus tamen consulum est, verba hujus  
invocationis omittere sine rationabili cau-  
sa, idque ob universalem Ecclesiæ consue-  
tudinem: ob quam Bonacina & alii existi-  
mant non omitti sine culpa veniali. Quod  
tamen negant plures alii, dicentes consue-  
tudinem istam esse liberam.

Hinc patet, effectum Sacramenti con-  
ferri, antequam invocetur Trinitas: cum  
antecedenter Sacramentum sit substantiali-  
ter perfectum.

Non est præterea necesse absolventem  
dicere, ab omnibus peccatis juxta Doctorum  
certam sententiam, quam confirmat communi-  
sus usus & Rituale Romanum reformatum,  
quod sustulit particulam, omnibus. Modus  
enim loquendi indefinitus & equivalens  
universali, quantum expedit, scilicet, quantu-  
m ad omnia peccata tunc absolutionis &  
remissionis capacia. Et alsoquin peccata  
venialia non necessariò omnia simul remit-  
tuntur.

Porrò verba formæ num. 23. expressa  
non ita sunt omnia de essentia, quin sal-  
vo Sacramenti valore aliqua possint omitti:  
nam juxta Doctores communiter suf-  
ficit dicere: Absolvote: eo quod pronomen  
ego, satis involvatur in verbo absolvo: idem-  
que verbum eti indifferentis ad absolu-  
tionem à variis vinculis, tamen in circumstan-  
tiis, in quibus profertur, sat's determina-  
tur ad significandam absolutionem à pec-  
catis, quam penitens petit. Quod confir-  
matur non modicum ex ritu seu formâ  
Græcis usitatâ, de qua num. 29. Immo hoc  
Quidam adeò indubitanter tradunt, ut exi-

stiment ly à peccatis posse omitti sine gravi  
culpa. Quod tamen difficultatem habet ob  
aliquale dubium de valore Sacramenti: nam  
illud valere negant Paludanus, Petrus Sol &  
quidam alii, ac inter Recentiores Averi.  
Pro quibus

Dices: Tridentinum supra docet formam  
Sacramenti esse: Ego absolvo te &c. Ubi (ut  
patet ex verborum super relatorum contex-  
tu) loquitur de forma essentiali, & per l. 1. num.  
& cetera, satis significat, attento similiæ  
contextu, adhuc aliqua alia verba pertinere  
ad' essentiam formæ quæ non possunt esse  
alia quam hæc, à peccatis. Resp. Concede-  
do totum. Nam verba ista formaliter seu  
quoad sensum ac significationem sumpta  
verè sunt de essentia: non tamen sumpta  
materialiter (ut ita d'cam) quasi debeat  
expresse ponî, quando æquivalenter con-  
tinentur in aliis; prout illa contineri in  
prioribus verbis, quatenus prolatis in cer-  
tis circumstantiis, iam dictum est. Nam  
certè Tridentinum etiam expressit in forma  
pronomen ego: quis tamen dubitet, quia  
illud salvo valore possit omitti, veluti inde  
contentum in verbo absolvo.

Incertum magis est, an quando poste-  
riera verba formæ expresse adduntur, su-  
pendatur eò usque Sacramenti significa-  
tio & effectus. Aliqui negant, Alii affir-  
mant. Probabilius videtur id pendere ab  
intentione profertis; quæ apparat esse  
talis, quod ly absolvo determinat signifi-  
cat absolutionem à peccatis, quando illa  
verba non exprimuntur: dum autem ex-  
primuntur, videtur loquens velle per sin-  
gula verba significare id, quod proprio  
per se significant, adeoque sumere tunc ly  
absolvo in significatio generali determi-  
nanda per verba subsequentia à peccatis.  
Quod etiam in talibus circumstantiis esse  
penes voluntatem loquentis, patet; quia  
in iisdem circumstantiis frequenter dicit,  
Ego te absolvo, & addit, ab omni vinculo ex-  
communicationis; tunc autem ly absolvo tantum  
significat absolutionem in genere: uti-  
lam, dum urgeli. Terciitate juxta pre-  
scriptum Ritualis Romani eadem propo-  
tione à censuris & peccatis absolvit dicens:  
Ego te absolvo ab omnibus censuris & peccatis: tunc  
enim non perficitur Sacramentum ante ly  
à peccatis &c consequenter ly absolvo potest  
ex intentione ministri sumi generaliter,  
volendo, ut determinetur ad absolutionem  
à peccatis per verba expressa ad hoc insi-  
tuta.

Nota, verba formæ debere proferti in-  
dicativè aut modo æquivalenti, non polyc-  
se autem proferti deprecativè, juxta Do-  
ctores communiter: nam forma hoc mo-  
do prolata est substantialiter diversa quæ  
significationem; non sunt autem in hoc  
Sacramento duæ formæ, quæ quoad sen-  
sum substantialiæ differant. Deinde ab  
soluto

solutio est actus judicialis; cui non congruit forma deprecandi alterum pro remissione. Denique Sacerdos talem deprecationem solet præmittere; quæ petit à Deo remissionem peccatorum poenitentis, & tamen constat ex Tridentino *supræ* illam non esse formam Sacramenti.

Neque oppositum de forma deprecatoria conficiunt verba Patrum Latinorum, apud Joannem Morinum l. 3. de administrat. Penitentia c. 8. & 9. sanæ intellecta. Prout nec sufficienter probant Ritualia antiquæ sive edita (de quibus agit c. 10.) sive manuscripta, de quibus agit c. 11. Quamvis enim meminerint piarum precationum Sacerdotis (quales & modò præmitti solent) formam tamen indicativam non excludunt: quam exprimit antiquum M. S. litteris Longobardicis exaratum ante annos 600. ipsius Morini judicio, & Liber Sacramentorum B. Gregorii, non minor annis 800. iudicij Morini in Excepis ad Calcam Operis de antiquis Sacramentorum libris, ubi post ultimum, *Absolutio Penitentis*, concluditur: *Cygnos virtute fredi, & clementia confisi, humilium impetrantes pietatem suam, Absolvimus te à vinculo tuorum omnium delictorum &c.*

Similiter in Codice antiquo Ecclesiæ Belloc vacensis (omissis aliis, quæ etiam refert Morinus *supræ* c. 11.) habetur: *ipse absolvat ab omni vinculo peccatorum, & quantum frigilitati mea permittitur, Ego abservo te ab omnibus peccatis tuis. Immo quæ Morinus in sensu optativo sive deprecativo accipit, recte sensum imperativum admittunt, aut judicativum habent implicitum. Sanè cum in variis Libris ab ipso allegatis precatioes multiplicantur seu repetantur; sciri non posset, an omnes, vel quæ substantiam formæ absolutionis constituant. Immò si quæ essentiam aliquando constituerint, utique constituerent hodie, quando nil circa substantiam Sacramenti poruit immutari. A quoque ante prolationem formæ hodiernæ indicativae (in qua juxta fidem vis Sacra- menti potissimum constituta) jam Sacramentum foret constitutum. Denique vetusta & obscura monumenta sunt incertæ autoritatis, nec possunt præjudicare claræ consuetudini S. Romanae Ecclesiæ, cuius Ritua (uti præfatur Paulus V.) receptos & approbatos Catholice Ecclesia ritus continet, item quæ Ecclesia Catholica, & ab ea probatus usus antiquitatis statuit; ut ad ejus præscriptum in iusta Ritualium multitudine sua ministeria Sacerdotes pergerent, ac in officio pede ambularent.*

Non obstat, quoque quod in Euchologio seu Rituali Græcorum non appareat forma absolutionis, nisi deprecativa, quæ Sacerdos pro penitente Deum rogat, ut condoneti peccata confessa. Nam Græcos nihilominus uti formâ absolutâ & indicativa pro comperto habet Jacobus Goar in Notis Euchologii in Orationes super penitentes: Accepta enim

occasione à verbis poenitentis, *Precor, ut veniam mihi eroges, absolvere consueverunt dicens: Habeo te condonatum, seu veniam donatum; aut sis condonatus. Quod perinde est, ac si diceretur, Facio te veniam donatum. Absoluta enim locutio potest imperative enuntiari; sicut in ordinatione sacerdotis ly Accipe potestatem, idem est, quod, Do tibi potestatem, Abstinent autem Græci ab indicatio* activo, eò quod id excellentiam quamdam sonet, ac ne minister sibi auctoritatem arrogare videatur. Unde Episcopus apud illos dicit (ut refert Goar *supræ*) *Humilitas mea habet te condonatum; Patriarcha vero, Mediocritas mea habet te condonatum. Potuitque similis forma, et si in Euchologiis non expressa, esse per traditionem accepta, prout accepta est forma Latinorum, que similiter in antiquioribus Ritualibus vel Sacramentariis aut Scriptoribus passim non reperitur expressa. Quare non fuit desuper Græcis in Florentino mota, quæstio, nec eis, veluti recte sentientibus & practicantibus data instruacio, qualis & quidem ampla fuit data Armenis.*

Unde non est audiendus Joannes Morinus l. 8. de administratione Penitentia c. 12. ex professio asserens Græcos hactenus in absolu- Examinan- tur, quæ in tione à peccatis nullâ alia formulâ usos esse, contrarium adducit Morinus. *Ex parte* quæ etiæ fusior, compendiosè est hæc, aut similis: *Domine remitte, dimittit, condone peccata hujus N. quia tua est potentia; tuum regnum patris &c.* Nam ultra præallegata, contra facit, quod Petrus Arcadius diligentissimus Græcorum Rituum indagator apud Morinum *supræ* ex ipsis Græcis, ac manucri- to libro idiomatici Ruthenorum deducit formam indicativam (contra quæ nil refert Morinus, quo suum intentum conficiat) in sensu eamdem cum Latina. Quod autem dicit hanc formam Michaelis Patriarchæ Antiocheni, quæ usus est erga Theodosium zygomalum, *Mediocritas nostra habet veniam condonatum spiritualem filium suum Theodosium in quibuscumque etiam ipse ut homo deliquerit, atque in Deum verbo, opere & cogitatione &c. respicere absolutionem ab excommunicatione, non solum gratis dicitur, sed & falsum esse docent vel ipsa verba postrema: cum ob ea, quæ cogitatione deliquerit, non poterat esse excommunicatus, uti nec ob quævis peccata, sive in quibuscumque deliquerit. Similes for- mas indicativas habet Euchologium Abbatianum, & Gabriel Philadelphus Metropolita, quorum excerpta refert Morinus ipse ad Cal- cem sui Operis. Ut proinde aliæ, quæ de- precationem forte sonant, sint juxta Area- dum imperativa quoad sensum, & concor- dantæ.*

384 Disp. I. De Institutione & Partibus. Sacram. Pœnitentia.

dandæ cum forma Ecclesiæ Romanæ, omnium Ecclesiarum Matris ac Magistri.

Q U A E S T I O IV.

Quis sit verus sensus formæ Absolutionis?

31.  
De sensu  
formæ opini-  
o Magi-  
stri erroris  
refellitur.

M agister dis. 18. existimavit verba Absolutionis habere hunc sensum: Ego te ostendo seu declaro absolutum. Sed est contra proprietatem verborum formæ, & ipsius Christi Joff. 20. & contra Tridentinum sicc. 14. can. 9. definiens, absolutionem esse actum judiciale, & non nudum ministerium pronunciandi & declarandi peccata esse remissa.

Altera Hu-  
gou's expli-  
cationis erro-  
nes rejici-  
tur.

Secundò Hugo de S. Victore resertur existimasse hunc esse sensum: Ego te absolvō, non quidem à reatu culpæ (quem putabat antecedenter à Deo semper esse remissum) sed poenæ æternæ. Quod tamen erroneum est: tum quia reatus poenæ æternæ simul dimittitur cum ipsa culpa mortal, ut docet Tridentinum, & traditur in materia de Justificatione: tum quia reatus ille non subest in peccatis venialibus aut confessis. Immo peccata subiici possunt absolutioni, et si ne quidem reatus poenæ temporalis subest.

Tertia alio-  
rum explicatio refu-  
tatur.

Aliqui alii dixerunt sensum esse hunc: Ego te absolvō, non quidem à culpis, sed ab obligatione ea subjiciendi clavibus Ecclesiæ. Sed omnino falsum est: tum quia est contra proprietatem verborum formæ & ipsius Christi: tum quia (ut alia omittam) in culpis venialibus vel alijs confessis non est talis obligatio, & tamen super illas verè profertur forma.

Quarta  
D. Thome  
improbatur.

Divus Thomas ques. 84. art. 3. ad 5. dicit sensum esse hunc: Ego tibi impendo Sacramentum absolutionis. Sed est contra proprietatem verborum. Nec est ratio, cur forma hujus Sacramenti potius tamē sensum efficeret, quam forma Baptismi hunc: Ego tibi consero Sacramentum Baptismi. Deinde expositio est obscura, scilicet in ea idem explicatur per idem: cū adhuc maneat difficultas, quid in ista expositione significet absolutionis. Essentque juxta illam verba reflexa supra se, & solum significantur se met ipsa: cū Sacerdos ex ipso Sacramento Pœnitentia solum ponat verba absolutionis, & per illa Sacramenti effectum.

32.  
Quinta  
Francisci  
Suarez ex-  
penditur.

Suarez disp. 19. sect. 2. & plures alii sic explicant: Ego, quantum est in me, tibi consero gratiam remissivam peccatorum tuorum. Et hæc quidem explicatio quoad rem verissima est, cū de facto saltē fiat remissio peccatorum mortaliū, immo in Sacramento etiam venialiū, per ipsam gratiam; quæ quatenus per hoc Sacramentum confertur, est remissiva peccati, si adhuc supersit, et si per accidens aliquando

illud non tollat, quia scilicet antea remissum est. Nihilominus verba Absolutionis attenuata significatione propriâ, aut velut naturali (quæ hic inquiritur) non videntur significare determinatè gradum: possemque verificari, et si Deus sine gratia peccata remitteret. Deinde non obstante gratia ex remissivâ peccati, possent peccata de absolute potentia non remitti; tunc autem rerum esset dicere: ego consero tibi gratiam remissivam peccati, non autem: ego te abservo à peccatis. Præterea etiam forma Baptismi habet hunc sensum sacramentalem, quod scilicet baptizans per eam ministerialiter conserat gratiam remissivam peccati: eundemque sensum haberet pariter alia forma Sacramenti Pœnitentiae, si Christus eam instituisset, v. g. hæc: Amplius noli peccare.

Quare melius & simplicius verba intelliguntur hoc modo: Ego quantum est ex me, condono tibi peccata tua, sive inferno tibi remissionem peccatorum, te commissorum. Ita plures Doctores. Ratio est: quin ita sonant verba, & ex iis solum sensum mox erueret, qui intelligit linguam latīnam. Consonat etiam idem sensus verbi Christi Joan. 20. Quorum remiseritis peccata. Quare præcedens sensus est sacramentalis, hic quasi grammaticalis & speculativus. Ut grammaticalis sensus formæ Baptismi est, quod minister abluit corpus alterius sub invocatione SS. Trinitatis. Cui actioni debitè intentionata, jungitur significatio prædicta Sacramentalis.

Potes, quomodo verificetur forma, quando peccata antecedentes sunt remissa, sive per contritionem, sive per præcedentes confessiones, cū tunc non inveniat, quod per illam remittatur. Resp. adhuc verificari, quia peccata remittuntur quantum est pars parte ministri, & ipsius formæ, sic operatis circa peccata pœnitentis, ut vi illius tollerentur, si adhuc essent. Inde tamen non sequitur posse dari absolutionem, et si nulla peccata verè sint remissa: nam absolutionis cadit super peccata aliquando commissa velut materiam circa quam, ut & ipsa confessio ac contrito.

Dices: Non verè quis diceret: ego solvo te à vinculis corporeis; si alter jam amictus ab iis erat solitus: ego idem est in præsenti. Resp. Neg. Conf. nam solutio in antecedente significata est physica, adeoque circa objectum physicum & actu existens; cū tamen illud supponatur amplius non exttere. In præsenti autem solutio est moralis, quæ communis iudicio sufficienter verificatur circa vinculum pœnitentium, quando est talis actio, vi cuius vinculum tolleretur, si adhuc esset. Sic enim communis iudicio debitum adhuc secundum dimissum rogati iterum dimittimus. Similiter regi alijs promissam iterum possumus.